

Ilanngussaq 2, oqaasertaliussat kiisalu oqaasertaliussanut nassuiaatit

Ilanngussaq 2, AIS 2021-p pingajussaaneernejarnissaanut atatillugu oqaasertaliussat aamma oqaasertaliussanut nassuiaatit AIS 2021-mut siunnersuutip pingajussaaneernejarnera:

Naalakkersuisut - Suliassa qarfik 10 – 89

Nr. 145.

Naalakkersuisut - Suliassa qarfik 10 – 89

Suliassa qarfimmu matumunnga oqaasertaliussat nr. 8 peerniarneqarput tulliuuttunillu taarserlugit. Allannguutissatut siunnersuut aqutigalugu konto pingarneq, 20.30.01 Aningaasaqarnermut Sulisoqarnermullu Aqutsisoqarfik, ASA, oqaasertaliussani matumani piginnaatitsissummit peerniarneqarpoq kontumilu pingarnermi, 70.01.07 Sanaartornermut Oqartussaasut, piginnaatitsissummut aningaasat 750.000 kr.-nik ilaniarneqarlutik:

”Nr. 8.

Naalakkersuisut kontuni pingarnermi, 20.01.01 Aningaasaqarnermut Akileraartarnermullu Naalakkersuisoqarfik, 20.30.10 Illuutiniq ingerlatsineq aserfallatsaaliuinerlu, 24.01.01 Akileraartarnermut Aqutsisoqarfik, 30.01.02 Pitsaaliuinermut Isumaginninnermullu Aqutsisoqarfik, 34.11.03 Dronning Ingridip Napparsimmavissua, 70.01.07 Sanaartornermut Oqartussaasut aamma 72.20.07 Nakkutilliineq misissuinerlu, angallaneq, aningaasartuutit matussutissaattut Sanaartugassat Iluarsagassallu pillugit suliassa qarfik 80 – 89-imi, sanaartugassat ataasiakkaat, sanaartukkap nalingata 2,5 procentia angullugu tapiissutissanik akiligassiinissamut piginnaatinneqarput. Kontunut pingarnermut siuliani taaneqartunut tunngatillugu piginnaatitsissutit 750.000 kr.-t sinnissanngilai, taamaattorli kontuni pingarnermi, 20.30.10 Illuutiniq ingerlatsineq Aserfallatsaaliuinerlu, 70.01.07 Sanaartornermut Oqartussaasut aamma 72.20.07 Ineriartortitsineq nakkutiginninnerlu, angalanermit suliassa qarfik piginnaassutsip 1.250.000 kr.-t, 3.470.000 kr.-t aamma 1.300.000 kr.-t sinnissanngilai.”

Aningaasaqarnermut Naalakkersuisoq - Suliassa qarfik 20 – 24

Nr. 146.

Suliassa qarfik 20–24-mut, Aningaasaqarnermut Naalakkersuisoqarfik aamma Akileraartarnermut Aqutsisoqarfik

Suliassa qarfimmu matumunnga oqaasertaliussat peerniarneqarput tullinnguuttunillu taarserlugit. Allannguutissatut siunnersuut aqutigalugu neqerooruteqartitsinermi aaqqiagiinnngissuteqarnermut atatillugu konto pingarneq 20.01.08 atorneqarsinnaalersinniarneqarpoq:

”Nr. 1.

Kontumi pingarnermi, 20.01.08 Eqqartuussisutigoortitsinermit aningaasaliissutit, eqqartuussivimmi suliat, Aningaasaqarnermut Naalakkersuisoqarfik aamma Akileraartarnermut Aqutsisoqarfik, eqqartuussinernut, taarsiffigineqarnissamik suliat il.il. kiisalu suliap eqqartuussivitsigut suliassanngortinnginnerani aningaasartuutit assersuutigalugu akiliisitsiniarnerit

Ilanngussaq 2, oqaasertaliussat kiisalu oqaasertaliussanut nassuiaatit

pillugit suliat suliarineqarnerini eqqartuussissuserisunut aningaasartuutit tamarmik akilerneqartarput. Kontumi pingaarnermi 20.01.08-mi, matumani Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq naapertorlugu neqerooruteqartitsinernut, Aningaasaqarnermut Sulisoqarnermullu Aqutsisoqarfimmit aqqissuunneqartunut tunngatillugu aqqiagiinngissutsinik Namminersorlutik Oqartussat soqutigisaannik isumaginninnermut atatillugu eqqartuussissuserisumut aamma eqqartuussivikkoortitsinernut aningaasartuutit aamma akilerneqarsinnaapput. Kontumi pingaarnermi aningaasaliissutit apeqqutaatinnagit eqqartuussivimmi suliamut ataatsimut aningaasat 2.500.000 kr.-t tikillugit atugassanngortinneqarsinnaapput. Aningaasat 2.500.000 kr.-nik sinnillit atugassanngortinnginnerini Aningaasaqarnermut Akileraartarnermullu Ataatsimiititaliamut saqqummiunneqassapput."

Suliassaqarfik 20-24-mut Aningaasaqarnermut Naalakkersuisoqarfik aamma Akileraartarnermut Aqutsisoqarfik, nassuiaatit

Suliassaqarfimmut matumunnga oqaasertaliussanut nassuiaatit peerniarneqarput tullinnguuttunillu taarserlugit:

"Nr. 1.

Aningaasaqarnermut Naalakkersuisoqarfiup ilaatigut akileraartarnermut akiliisitsiniartarnermullu tunngasut akisussaaffigalugit isumagisarpai, tassunga ilanngullugit eqqartuussivimmi suliat, akiliisinnaajunnaarnermik nalunaarutiginninnerit, akiliisitsiniartarnerit il.il. Akiliisinnaajunnaarnermik nalunaarutiginninnerit il.il., aamma Akileraarusiinermik Aalajangiisartut aalajangigaannik il.il. misiliinerni aammalu Kalaallit Nunaata avataani pisortat pisassaannik akiliisitsiniartarnermut atatillugu eqqartuussissuserisunut aamma tamanut ammasumik neqerooruteqartitsinerit Aningaasaqarnermut Sulisoqarnermullu Aqutsisoqarfimmi aqqissuunneqartut pillugit eqqartuussinermik isumaqatigiissitsiniarnermullu sulianut aningaasartuutit pilertunik aningaasalersuisinnaanissaq qulakkeerniarlugu konto pingarneq manna pilersinneqarsimavoq.

Oqaasertaliussat AI 2020-mit iluarsineqarlutik ingerlateqqitaapput."

Nr. 147.

Suliassaqarfik 20 – 24-mut, Aningaasaqarnermut Naalakkersuisoqarfik aamma Akileraartarnermut Aqutsisoqarfik

Oqaasertaliussat tullinnguuttut ilannguniarneqarput:

"Nr. 2.

Naalakkersuisut Namminersorlutik Oqartussat pissarsiassaat tamarmik, erniat, akitsuutit aningaasartuutillu allat 300,00 kr.-nik ikinnerusunilluunniit annertussusillit isumakkeerinnissutiginnissaannut piginnaatinneqarput."

Ilanngussaq 2, oqaasertaliussat kiisalu oqaasertaliussanut nassuiaatit

Suliassaqarfik 20 – 24-mut, Aningaasaqarnermut Naalackersuisoqarfik aamma Akileraartarnermut Aqutsisoqarfik, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 2.

Oqaasertaliussat uku aqutigalugit Akileraartarnermut Aqutsisoqarfik Namminersorlutik Oqartussanut pissarsiassat 300,00 kr.-nik ikinnerusunilluunniit annertussusillit isumakkeerinnissutiginnissaannut piginnaatitaallissaaq.

300,00 kr.-nik ikinnerusunilluunniit isumakkeerinninnissamut piginnaatitaaffiugaluartoq, Akileraartarnermut Aqutsisoqarfik Namminersorlutik Oqartussanut akiitsunik tamanik 100,00 kr.-nik ikinnerusulluunniit annertussusilinnik isumakkeerinnittassaaq.

Namminersorlutik Oqartussanut pissarsiassat tamaasa 100,00 kr.-nik ikinnerusunilluunniit annertussusillit isumakkeerinnissutigisarnerisigut isumakkeerinnissutillu taamatut killilerneqarnerisigut isumakkeerinnissutit aningaasatigut annertussusiisa innuttaasullu inatsisitigut isumannaatsuunissaasa akornanni oqimaaqatigiinneq pitsaanerpaassasoq Akileraartarnermut Aqutsisoqarfik isumaqarpoq.

Akileraartarnermut Aqutsisoqarfiup piginnaatitsissut Akileraartarnermut inatsimmut naleqquttumut, 2021-mi Inatsisartut ukiakkut ataatsimiinnerinut atatillugu imaluunniit kingusinnerpaamik 2022-mi ilanngunneqarsinnaajumaartoq naatsorsuutigaa. 2020-mi ilassutitut aningaasaliissuteqarnermi oqaasertaliussat akuerineqarput, takuuk IA-suliaq normu 20-900.

Oqaasertaliussat nutaajupput.”

Nr. 148.

Suliassaqarfik 20 – 24-mut, Aningaasaqarnermut Naalackersuisoqarfik aamma Akileraartarnermut Aqutsisoqarfik

Oqaasertaliussassat uku ilanngunniarneqarput:

”Nr. 3.

Naalackersuisut akiligassanik 100,00 kr.-nik ikinnerusunilluunniit annertussusilinnik akiliisitsiniarnernik tigusinnginnissamut piginnaatinneqarput.”

Suliassaqarfik 20 – 24-mut, Aningaasaqarnermut Naalackersuisoqarfik aamma Akileraartarnermut Aqutsisoqarfik, nassuiaatit

Oqaasertaliussanut nassuiaatit tullinnguuttut ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Nr. 3.

Oqaasertaliussatigut akiitsut, pisortanit allanit akiitsoqarfigisanit akiliisitsiniarnissaq siunertaralugu Akileraartarnermut Aqutsisoqarfiup tigusinnaasai 100 kr.-nik minnerpaaffissalernerqarput. Allannguut tamanna suliassaqaarfik 20-24-mut oqaasertaliussani nr. 4-mi ullormi 19. august 2020-mi akuerineqartumi ilisimatitsissutigineqarpoq, takuuk IA-suliaq normu 20-900.

Allaffissornikkut sipaaruteqarniarneq siunertaralugu oqaasertaliussat atuutilersinneqarput. Aningaasanik ataatsimut aqutsissut Prisme akiligassanik akileeqqusissutinik takkuttoqaraangat innuttaasunut suliffeqarfinnullu akileeqqusissutinik nassiussisassaaq. Taamatuttaaq ernianik akileeqqusissutinik takkuttoqaraangat. Taamaattoqartillugu suliassanik sularinninnermut, akileeqqusissutinik nassiussinermut il.il. aningaasartuutit akiligassap annertussusianit annertuninngortarput. Akiligassamut ataatsimut aningaasartuutit naatsorsorneqarnikuunngillat taamaattumik minnerpaaffissaata 100 kr.-unissaa aalajangerneqarsimavoq.

Taakkua 100,00 kr.-t akiligassap ataatsip annertussusaanut matussusiipput. Erniat akiligassamut immikkut ittumik akiligassatut allanneqassapput.

Oqaasertaliussat uku atorlugit Akileraartarnermut Aqutsisoqarfiup pissarsiassat 100,00 kr.-usut ikinnerusulluunniit, Namminersorlutik Oqartussat pisortalluunniit oqartussat allat il.il. akiligassaqaarfiuppata itigartitsissutigissavai.

Oqaasertaliussatigut akiligassaqaarfiit akiligassanik annikinnerusunik akiliisitsiniartarnerat namminnerlu aqutsissutiminni matussusiisarnerat mattunneqanngillat.

Oqaasertaliussat nutaajupput.”

Nr. 149.

Konto pingaarnermut 20.05.20-mut Kommuninut ataatsimoortumik tapiissutit

Oqaasertaliussassat uku ilanngunniarneqarput:

“Naalackersuisut kommunit meeqqanut inuusuttunullu susassaqaarfimmi ulloq unnuarlu paaqqinnittarfiit namminersortunut akiliisarneranik annertunerpaamik ulloq unnuarlu akigititanik aalajangiinissamut piginnaatinneqalissapput.“

Konto pingaarnermut 20.05.20-mut Kommuninut ataatsimoortumik tapiissutit-mut nassuiaatit

Oqaasertaliussanut nassuiaatit tullinnguuttut ilanngunniarneqarput:

“Oqaaseqaatip siunertaraa meeqqanut inuusuttunullu susassaqaarfinni aningaasartuutit aamma akiliisarnerit naapertuuttumik ataqatigiinnissaat qulakkeerniarlugu. Naalackersuisut akigititaq

Ilanngussaq 2, oqaasertaliussat kiisalu oqaasertaliussanut nassuiaatit

aalajangerniarlugu oqaaseqaammi tunngaveqarlutik nalunaarummik suliarinnikkumaarput. Tamatuma saniatigut apeqqut kommunit ataatsimoortumik tapiissutaanik isumaqatiginninniarnerni ilaasinnaavoq.

Oqaasertaliussat nutaajupput.”

Nr. 150.

Kontumut pingaarnermut, 20.10.34 Coronavirus (COVID-19) tunngavigalugu immikkut ittunik iliuusissat

Kontumut pingaarnermut akisussaasup allangortinneqarnerata kingunerisaanik oqaasertaliussat 1-3 tullinnguuttut ilanngunniarneqarput: Oqaasertaliussanut nr. 1-imut nassuiaatini allannguuteqarpoq. Taakkua saniatigut oqaasertaliussat nr. 4 nutaatut ilanngunniarneqarput:

”Nr. 1.

Naalackersuisut coronavirus pissutigalugu immikkut ittunik iliuuseqarnissamut aningaasartuutaanerusussanik atuinissaannut piginnaatinneqarput.

Nr. 2.

Naalackersuisut kontumi pingaarnermi matumani atuinerussutinik ukiup aningaasarsiorfiusup tullianut nuussinissaannut piginnaatinneqarput.

Nr. 3.

Coronavirus (COVID-19) tunngavigalugu Naalackersuisut coronavirusip akiorniarnernanut akiliutinik katersinissamut aqutsinissamullu piginnaatinneqarput.

Nr. 4.

Naalackersuisut Aningaasaqarnermut Akileraartarnermullu Ataatsimiititaliap akuersineratigut namminersorlutik inuussutissarsiuteqartunut nunatsinniluunniit aalisarnermut immikkut ittunik ikiorsiissuteqarnissamut piginnaatinneqarput.”

Kontumut pingaarnermut, 20.10.34 Coronavirus (COVID-19) tunngavigalugu immikkut ittunik iliuusissat, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 1.

Oqaasertaliussatigut coronavirus tunngavigalugu immikkut ittunik Naalackersuisut aningaasartuutaanerusunik atuinissaannut piginnaatinneqarput.

Immikkut ittunik iliuutsinut aningaasartuutit tassaasinnaapput inunnik tunillatsissimasunik katsorsaavinnut angallasserit taassumalu kingunerisaanik katsorsaanerit assigiinngitsut

Ilanngussaq 2, oqaasertaliussat kiisalu oqaasertaliussanut nassuiaatit

suliarisinnaaniassammatigit. Aamma ilaatinneqarsinnaapput peqqinnissaqarfimmi sulisut napparsimasunik katsorsaanerminni aningaasartuutaat, matumani ilaallutik illoqarfinni nunaqarfinnilu allani nalinginnaasumik suliffiginngisaanni najugaqarnermut tunngasut. Aammattaq ilaatinneqarsinnaapput misiligutinik suliaqarnermi, nakorsaatinik, immikkut ittunik akissarsianik taartaagallartunullu aningaasartuutit, inunnik tunillatsissimasunut mattunneqartunut inissiinerit, ilisimatitsinerit il.il.

Aningaasartuutit siuliani taaneqartut peqqinnissaqarfimmut toqqaannartumik attuumassutillit saniatigit, aningaasartuutit assersuutigalugu silaannakkut angallannerup matuneqarneratigit pisarialimmik angallassinernut aningaasartuutinik ilaqarsinnaapput, tassunga ilanngullugu Mittarfeqarfiit coronamut attuumassuteqartumik isertitakinnerussagaluarpata matussusiineq. Aammalu aningaasartuutit kommuninut coronavirusip akiorniarnernanut iliuitsinut aningaasartuutinik akiliutaannik utertitsinissamut aningaasartuutinik ilaqarsinnaapput, matumani inunnt aneqqusaajunnaarallartinneqartunut aningaasartuutit uppersarnerneqarsinnaasut taaneqarsinnaapput. Kommunit matumunnga atatillugu aningaasartuutit akilerneqarnerisa kingorna qaammatit amerlanerpaamik qulingiluat qaangiunnerini aningaasartuutaasimasut utertinneqarnissaannik piunasaqarsinnaapput. Utertitsinneqarnissaannik piunasaqaammi nassiunneqartumi aningaasartuutit akilersimasat inaarutaasusutut isigineqassapput, taamaattumillu aningaasartuutinik taakkuninnga akiliisimanermit utertitsisoqarnissaannik piunasaqaammik nutaamik nassiussisoqarsinnaanngilaq.

Oqaasertaliussat nutaajupput.

Nr. 2.

Kontumi pingaarnermi matumani atuinerunerit aningaasanut inatsiseqarfiusumut tullermut nuunneqarnissaannik oqaasertaliussatigit Naalakkersuisut piginnaatinneqarput.

Oqaasertaliussat nutaajupput.

Nr. 3.

Aningaasat tiguneqartut peqqinnissaqarfiup iluani atorneqassapput, matumani peqqinnissaqarfiup tapersiissuteqartoq oqaloqatigissavaa, tapersiissuteqartoq aningaasat coronavirusip akiorniarnernanut siunertamut aalajangersimasumut atorneqarnissaannik kissaateqarpat.

Oqaasertaliussat nutaajupput.

Nr. 4.

Oqaasertaliussatigit Naalakkersuisut Aningaasaqarnermut Akileraartarnermullu Ataatsimiititaliap akuersineratigit namminersorlutik inuussutissarsiuteqartunut nunatsinniluunniit aalisarnermut immikkut ittunik ikiorsiissuteqarnissaminnut tunngavissinneqarput.

Ilanngussaq 2, oqaasertaliussat kiisalu oqaasertaliussanut nassuiaatit

2021-mi immikkut ikiorsiissutinik pisariaqartitsineq 2020-mi pisariaqartitsisimanermut sanilliullugu annikinnerungaatsiassasoq naatsorsuutigineqarpoq. Matumani Kalaallit Nunaat nunallu allat 2020-mut sanilliullugu 2021-mi matusinermik taama annertutigisumik nalaataqannginnissaat naatsorsuutigineqarmat.

Aningaasaqarnermut Akileraartarnermullu Ataatsimiititaliaq ikiorsiissutitut aningaasartuutit kontumi pingaarnermi matumani aningaasaliissutitigut matussuserneqarnerisigut oqaasertaliussat uku naapertorlugit taamaallaat akuersisinnaavoq. Taakkua saniatigut aningaasaliissutit ikiorsiissutit aningaasartuutissat naatsorsuutigisat amerlaqataannik ilaneqassapput matumunngalu aningaasartuutit akiliineq aningaasaliissutit matussuserneqassalluni.

Aningaasaqarnermut Akileraartarnermullu Ataatsimiititaliaq oqaasertaliussat ukua naapertorlugit ikiorsiissutinik akuerisaanik aqutsineq atuutilersitsinerlu naalakkersuisoqarfinit susasaqartunit isumagineqassapput.

Oqaasertaliussat nutaajupput.”

Nr. 151.

Kontumut pingaarnermut, 20.16.01 Kalaallit Nunaanni Naatsorsueqqissaartarfik

Oqaasertaliussat tullinnguuttut oqartussaaffiup allanngortinneqarnerata kingunerisaanik ilanngunniarneqarput:

”Nr. 3.

Naalakkersuisut kontumi pingaarnermi matumani siunertarineqartunut suliassat ilaasut aaqqiiviginissaat pillugu suleqatinik avataaneersunik isumaqatigiissuteqarnissamut piginnaatinneqarput. Isumaqatigiissutaasuni ukiumut 600.000 kr.-t sipporneqassanngillat ukiullu missingersuusiorfiusunut sunniuteqaaqusaanatik.”

Kontumut pingaarnermut, 20.16.01 Naatsorsueqqissaartarfik, nassuiaatit

Oqaasertaliussanut nassuiaatit tullinnguuttut oqartussaaffiup allanngortinneqarnerata kingunerisaanik ilanngunniarneqarput:

”Nr. 3.

Piffissamut ungasinnerusumut pilersarusiorsinnaanissaq nukissiuuteqarnermut silallu pissusaata allanngorarnernut kisitsisitigut paasissutissanik suliaqarnermut isumaqatigiissuteqarnikkut sipaarniuteqarnissap anguneqarsinnaanera oqaasertaliussatigut periarfissinneqarpoq.

Oqaasertaliussat AI 2020-mit iluarsineqarlutik ingerlateqqitaapput.”

Ilanngussaq 2, oqaasertaliussat kiisalu oqaasertaliussanut nassuiaatit

Nr. 152.

Siunertamut kontu, 24.10 Toqqaannartumik akileraarutimut

Siunertamut kontumi matumunnga oqaasertaliussaq nr. 5 peerniarneqarpoq ukuninngalu taarserlugu:

”Nr. 5.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaanni § 7, imm. 3 malillugu, takuuk imm. 4, tapiissutit ukiumi aningaasarsiorfiusumi tapiissutit akileqquneqarfianni akileraarutaagallartutut isigineqarnissaasa akuersissutiginnissaanut Naalakkersuisut piginnaatinneqarput.”

Siunertamut kontu, 24.10 Toqqaannartumik akileraarutimut

Oqaasertaliussamut nr. 5-imut nassuiaatit peerniarneqarput tullinnguuttunillu taarserniarneqarlutik:

”Nr. 5.

Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaata aqunneqarnissaani 2021-mut aamma siusinnerusukkut ukiunut aningaasarsiorfiusunut tunngatillugu akileraaruseriffiup suliassaa ikilisarnissaat aalajangersakkami siunertaavoq.

Innuttaasoq ukiumi aningaasarsiorfiusumi soraarnerussutisiaqarnissamut aaqqissuussinermut naammattunik akiliuteqarsimanngippat akileraaruseriffik ukiup tulliani innuttaasumut qinnuiginnissaaq aningaasanik nikingassutaasunik akiliuteqaqqullugu. Qinnuiginnittoqarneranut innuttaasoq malinninniannippat akileraaruseriffik skattekortimik nutaamik imaluunniit akileraarutissat allagartaannik nutaanik (akileraarutitut B-nut) tunniussisinnaavoq, tassanilu nikingassutaasoq ilanngaattissap procentianut tapitut akiligassiissutigineqassaaq.

Akileraaruseriffik skattekortimik ilanngaattissamik procentimik annermik pilimmik tunniussaqaarsimappat sulisitsisoq innuttaasumut tunniussinermi akileraarutitut A-nut anginerusumik akiliisitsissaaq. Sulisitsisoq nassuiaassaaq akiligassanngortinneqartullu akileraaruseriffimmut akilerlugit. Akileraaruseriffik akileraarutissat allagartaannik tunniussaqaarsimappat innuttaasoq nammineerluni akiligassanik akileraaruseriffimmut akiliuteqassaaq.

Siunnersuutip kingunerissavaa aningaasat akilerneqartut tamakkerlutik, apeqqutaanani akileraarutitut A-nut B-nulluunniit tunngassuteqarnersut, akileraarutaagallartutut isigineqassammata. Tamatumalu kingunerisaanik akileraarutitut annikippallaamik annertuallaartumilluunniit akiliutigineqarsimasinnaasut Akileraaruserinermik ingerlatsineq pillugu Inatsisartut inatsisaanni § 24-mi § 25-miluunniit malittarisassat malillugit akilersinniarneqassapput tunniunneqarlutilluunniit. Taamatut pisoqarnerani innuttaasoq assersuutigalugu § 25, imm. 2 malillugu 2 procentimik aningaasanik tunineqarnissamik piunasaqaarsinnaavoq.

Innuttaasup isertitarisartakkani skattekortip akileraarutinulluunniit allagartap tunniunneranni tunngavimmikkut malunnartumik allanngorsimasut malugisimappagu, innuttaasoq taakkua

Ilanngussaq 2, oqaasertaliussat kiisalu oqaasertaliussanut nassuiaatit

allanngorteqqullugit akileraaruseriffimmut qinnuiginnissinnaavoq, inatsisartut inatsisaanni § 14 takuuk. Aamma inatsisartut inatsisaanni § 15-imi aalajangersakkat soqutiginaateqarsinnaapput, matumani innuttaasoq ukiup ingerlanerani imaluunniit kingusinnerpaamik akileraaruseriffiup nammineerluni nalunaarsuiffimmik tigusineranit qaammat ataaseq qaangiutsinnagu akileraarutaagallartunut akiliuteqarpallaarsimasutut misigisimappat.

Siunnersuut aqutigalugu suliassaqarfimmi tassani akileraaruseriffiup suliassai malunnartumik ikilisinneqassapput.

Innuttaasumut tunngatillugu pineqartup aningaasaatikinnerulerneranik siunnersuut sunniuteqassaaq. Aamma tamanna innuttaasup Soraarnerussutisiaqarnissamut aaqquissuussinermut pinngitsoorani ilaanissaq pillugu Inatsisartut inatsisaat malillugu pisussaaffimminik naammassinninniarluni naammattumik akiliuteqarnerata kingorna piffissaq qaangiutereeraluartoq atuuppoq, tamannalu aamma skattekortimik nutaamik imaluunniit akileraarutissat allagartaannik nutaanik tunniussisoqarnissaa tikillugu atuuppoq.

Oqaasertaliussat AI 2020-mit iluarsineqarlutik ingerlateqqinneqarput."

Nr. 153.

Siunertamut kontumut, 24.10 Togqaannartumik akileraarutit

Oqaasertaliussassat uku ilanngunniarneqarput:

”**Nr. 6.**

Suliffeqarfiit nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliqartut, aktiaateqarluni ingerlatseqatigiiffittut imaluunniit piginneqataassuseqarluni ingerlatseqatigiiffittut Kalaallit Nunaanni najugalittut nalunaarsorsimassapput aqutsisuilu Kalaallit Nunaanni najugaqassallutik.

Taamatuttaaq suliffeqarfimmut sanaartortut suliassaasa ilaannik suliqartunut, sanaartortut pisiortorfiinut il.il., oqaasertaliussani matumani immikkoortoq 1 malillugu nunani allani illersornissamut oqartussaasunik isumaqatigiissuteqarlutik kommunit agguarnerisa avataanni suliqartunut aamma sanaartortut suliassaasa ilaannik suliqartunut, sanaartortut pisiortorfiinut il.il. sanaartortut suliassaasa ilaannik suliqartut suliassaasa ilaannik suliqartunut, sanaartortut pisiortorfiisa pisiortorfiinut il.il. tamanna atuuppoq.

Taamaattorli suliffeqarfiit oqaasertaliussani matumani immikkoortoq 1-2-mi pineqartut pisuni immikkut illuinnartuni sanaartortut suliassaasa ilaannik suliqartussanik, sanaartortut pisiortorfissaannik il.il. allanik, oqaasertaliussani matumani immikkoortoq 2-mi pineqanngitsunik atuisinnaapput.

Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussat isumaqatigiissutitut, 1. januar 2021-miit isumaqatigiissutigineqartunut atuutissapput."

Siunertamut kontumut, 24.10 Toqqaannartumik akileraarutit, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Nr. 6.

Oqaasertaliussat kingunerisaannik nunani allani illersornissamut oqartussaasut sinnerlugit, Kalaallit Nunaanni kommunit agguarnerisa avataanni suliassat, aktiaateqarluni ingerlatseqatigiiffinnit imaluunniit piginneqataassuseqarluni ingerlatseqatigiiffinnit, Kalaallit Nunaanni najugalittut nalunaarsorsimasunit taakkunanilu Kalaallit Nunaanni najugalinnik aqutsisulinnit taamaallaat sularineqaqqusaapput. Aningaasarsianit akileraarutit pillugit Inatsisartut inatsisaanni § 1, imm. 1, nr. 3 aamma marloriaammik akileraarnissaq pinngitsoorniarlugu isumaqatigiissutit Kalaallit Nunaata isumaqatigiissuteqarfigisimasai malillugit ingerlatseqatigiiffiit Kalaallit Nunaannut tamakkiisumik akileraartussaataaapput Nunatsinnilu najugalittut akileraartussaataallutik. Suliffeqarfinnut sanaartortut pisiortorfiinut suliffeqarfiillu sanaartortut suliassaasa ilaannik suliqartunut aamma atuutissasoq siunnersuutigineqarpoq.

Sulianit iluanaarutit, pissarsiat isertitallu akileraarneqarnissaannik Kalaallit Nunaata pisinnaatitaaffiata illersornissaa oqaasertaliussanik siunertarineqarpoq.

Oqaasertaliussat Aningaasarsianit akileraarutit pillugit Inatsisartut inatsisaanni § 3, imm. 1, nr. 7-ip nanginneratut isigineqassapput, tassani inuit, sulliviit il.il. kungeqarfiup Danmarkip Amerikamilu naalagaaffeqatigiit naalakkersuisuisa Kalaallit Nunaata illersorneqarnissaa pillugu Atlantikup Avannaamiut Isumaqatigiissutaanni allaaserisami VII-imi ilanngunneqarsimasut akileraartussaataaangitsut pineqarput. Taamaattumik isumaqatigiissutigineqarsimasut oqaasertaliussani ataqineqarput.

Aningaasarsianit akileraarutit pillugit Inatsisartut inatsisaanni § 3, imm. 1, nr. 7-imi Amerikamiut suliffeqarfii taakkunanilu sulisut, sakkutooqarfinnik imaluunniit Amerikami Naalakkersuisunik isumaqatigiissutit naapertorlugit sulisut akileraartussaajunnaarsinneqarput. Amerikamiuunngitsut suliffeqarfii taakkunanilu sulisut illersornissaqarfimmi suligaluartut matumani pineqanngillat, takuuk ØLD 8. september 1983-imeersoq.

Oqaasertaliussat immikkut illuinnartunik pisoqartillugu, matumani illersornissamut oqartussat nunanit allaneersut suliqarniarnerannik akornusiisinnaappata pisiortorfiit pisiortorfigisartagaannut atuutissanngitsut siunnersuutigineqarpoq.

Permanent Committeemi oqaasertaliussani immikkoortup pingajuata qanoq paasisasaanera matumanilu immikkut akuersissutit eqqartorneqassapput isumaqatigiissutigineqarlutillu. Kalaallit

Ilanngussaq 2, oqaasertaliussat kiisalu oqaasertaliussanut nassuiaatit

Nunaata illersorneqarnissaa pillugu isumaqatigiissutip 27. april 1951-imeersup allanngortinneqarnera ilaneqarneralu pillugit Amerikami Naalagaaffeqatigiinnik isumaqatigiissut 6. august 2004-meersoq naapertorlugu Permanent Committee pilersinneqarpoq. Namminersorlutik Oqartussat Nunanut Allanut Naalakkersuisoqarfimmi ataatsimiititaliami aallartitaqarput.

Suliffeqarfiit tamarmik Kalaallit Nunaanni kommunit agguarnerisa avataanni nunani allani illersornissamut oqartussaasut sinnerlugit suliaqartut pisussaaffeqarput.

Suliffeqarfik nunani allani illersornissamut oqartussaasunik isumaqatigiissuteqartoq aktiaateqarluni imaluunniit piginneqataassuseqarluni ingerlatseqatigiiffiussaaq Kalaallit Nunaannilu najugaqarluni, taamatuttaaq aqutsisut Kalaallit Nunaanni najugaqassallutik.

Aqutsisut Kalaallit Nunaanni najugaqarnissaannut tunngasumi ingerlatseqatigiiffiup pisortaaneqarfimmit, siulittaasunit aktiaatilinnilluunniit aqunneqarnera apeqqutaatinnagu ulluinnarni aqutsinerup Kalaallit Nunaanni ingerlanneqarnissaa pineqarpoq.

Ulluinnarni aqutsisut ataatsimeersuarnerni aalajangikkat aalangiiffigineq ajorpaat. Aqutsisut Kalaallit Nunaanni najugaqarnissaannik piomasagaammi aktiaatillit nunani allani najugaqannginnissaat piomasagaataangilaq, ingerlatseqatigiiffiulliuna ulluinnarni Kalaallit Nunaanni aqunneqarnissaa piomasagaataasoq. Ingerlatseqatigiiffiup ingerlatseqatigiiffimmit nunani allani najugalimmit ingerlatseqatigiiffiutigisinnaanera oqaasertaliussani piomasagaatigineqanngilaq.

Oqaasertaliussani immikkoortut aappaat naapertorlugu suliffeqarfiit, sanaartortut suliassaasa ilaannik suliaqartut, pisiortortarfiit pisiortorfigisartagaat assigisaalluunniit, kommunit agguarnerisa avataanni sulinissamut illersornissamut oqartussaasunik nunanit allaneersunik isumaqatigiissuteqarsimasoq sinnerlugu suliaqartut imaluunniit sanaartortut suliassaasa ilaannik suliaqartut suliassaasa ilaannik suliaqartut il.il., pisiortortarfiit pisiortorfigisartagaasa pisiortorfii il.il. aamma pisussaaffeqarput.

Aktiaateqarluni ingerlatseqatigiiffittut piginneqataassuseqarluniluunniit ingerlatseqatigiiffittut Kalaallit Nunaanni najugalittut nalunaarsorsimanissamut pisussaaffik aqutsisullu Kalaallit Nunaanni najugaqarnissaannik qulakkeerinninnissaaq, suliffeqarfiup pisiortortarfinni ataqatigiissuni sorlermi ilaanersoq apeqqutaatinnagu aamma atuupput.

Oqaasertaliussani immikkoortut pingajuanni, ingerlatseqatigiiffiit oqaasertaliussani pineqartut pisiortortarfiup pisiortorfigisaanik pisussaaffilerneqanngitsumik, pisuni immikkut illuinnartuni, matumani illersornissamut oqartussaasut nunanit allaneersut suliassamik isumaginninnissaat akornuserneqarsinnaappat atuisinnaaneri pineqarpoq. Pisut immikkut illuinnartut tassaatinneqarput assersuutigalugu teknikkikkut piginnaasanik amigaateqarneq, kalaallit suliffeqarfiutaannit neqeroorutunik amigaateqarneq imaluunniit suliassap pissusissamisuumngitsumik sivisuumik suliarineqarnera.

Ilanngussaq 2, oqaasertaliussat kiisalu oqaasertaliussanut nassuiaatit

Oqaasertaliussat isumaqatigiissutitut 1. januar 2021 aallarnerfigalugu isumaqatigiissutigineqartunut atuuttut oqaasertaliussani immikkoortut sisamaanni erseqqissarneqarpoq.

Oqaasertaliussat imarisaat inatsisissatut siunnersuummut 2021-p ingerlanerani saqqummiunneqartussamut ilanngunneqarnissaat naatsorsuutigineqarpoq.

Oqaasertaliussat nutaajupput.”

Nr. 154.

Kontumut pingaarnermut, 24.11.10 Nioqqutissanik eqqussuinermi akitsuutit

Oqaasertaliussassat uku ilanngunniarneqarput:

”Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 21 naapertorlugu akiliisussaataaernerit qamutitut motorilinnut taamaallaat innaallagissamik brintimilluunniit ingerlateqartunut, kiisalu plug-in-hybridbiilinnut, batteriinnik innaallagissamik immeqqinneqarsinnaasunik ingerlateqartunut 1. januar 2022 tikillugu atuutsinneqassanngillat.”

Kontumut pingaarnermut, 24.11.10 Nioqqutissanik eqqussuinermi akitsuutit, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Qamutit motorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. 8, 29. november 2013-imeersoq naapertorlugu akitsuutitut akiliinngikkallarnissaq ukiumik ataatsimik oqaasertaliussatigut sivitsorneqarpoq, kontumullu pingaarnermut matumunnga oqaasertaliussatigut kingullermik 31. december 2021 tikillugu sivitsorneqarluni.

Oqaasertaliussat AI 2020-mit ingerlateqqitaapput.”

Nr. 155.

Kontu pingaarneq, 24.11.22 Sulisoqarnermut akitsuummumut

Oqaasertaliussassat uku ilanngunniarneqarput:

”Sulisoqarnermut akitsuut pillugu Inatsisartut inatsisaanni nr. 10, 2. november 2006-imeersumi § 2a, imm. 1 malillugu 2021-mi akitsuut 2020-mi ukiakkut ataatsimiinnermi allanngortinneqartutut 0,2 pct.-iussaaq.”

Kontu pingaarneq, 24.11.22 Sulisoqarnermut akitsuummumut, nassuiaatit

Oqaasertaliussanut nassuiaatit tullinnguuttut ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Oqaasertaliussat Sulisoqarnermut akitsuut pillugu Inatsisartut inatsisaata allanngortinnissaa pillugu Inatsisartut inatsisissaattut siunnersuutip akuersissutigineranut tunngapput (UKA 2020/17).

Suliffeqarfinnut namminersortunut tunngatillugu sulisitsisut namminersortut ernereertermut aningaasaateqarfimmut inatsisartut inatsisaani allanngortinneqartumi taaneqareersumi naatsorsuutigisatut 2021-mi akissarsiat tamarmiusut akiitsuusiiffiginissaattut 0,2 pct.-iannut aalajangersarneqassasoq siunnersuutigineqarpoq.

Oqaasertaliussat nutaajupput.”

Nunanut Allanut Nukissiuuteqarnermullu Naalakkersuisoq - Suliassaqarfik 27

Nr. 156.

Kontumut pingaarnermut, 27.90.02 Nukissiorfiit

Konto pingaarnermut uunga oqaasertaliussaq nr. 2-mi uku perneqarnissaat siunnersuutigineqarpoq:

”Aalisakkerivinni akigitinneqartoq illoqarfinni nunaqarfinnilu tamani innaallagissamut imermullu immikkoortunut aningaasartuutaasut 41,5 %-ianut aalajangerneqassaaq.

- Aalisakkeriviit annerpaamik innaallagissamut imermullu akigitinneqartunut inuit allat assigalugit akiliuteqassapput.
- Aalisakkeriviit minnerpaamik atuisunut allanut minnerpaaffittut akigitinneqartup 41,5 %-iannik akiliuteqassapput.”

Uanngalu taarserneqarluni:

“Aalisakkerivinni akigitinneqartoq illoqarfinni nunaqarfinnilu tamani innaallagissamut imermullu immikkoortunut aningaasartuutaasut 50,0 %-ianut aalajangerneqassaaq.

- Aalisakkeriviit annerpaamik innaallagissamut imermullu akigitinneqartunut inuit allat assigalugit akiliuteqassapput.
- Aalisakkeriviit minnerpaamik atuisunut allanut minnerpaaffittut akigitinneqartup 50,0 %-iannik akiliuteqassapput.”

Kontumut pingaarnermut, 27.90.02 Nukissiorfiit, nassuiaatit

Konto pingaarnermut uunga oqaasertaliussaq nr. 2-mut nassuiaatini uku peerneqarnissaat siunnersuutigineqarpoq:

”Oqaasertaliussat AI 2020-mit ingerlateqqitaapput.”

Ilanngussaq 2, oqaasertaliussat kiisalu oqaasertaliussanut nassuiaatit

Uanngalu taarserneqarluni:

”AIS 2021-p pingajussaaneerreqarnerani aalisarnermut suliffissuarnut oqaasertaliussaq 41,5 %-mit 50 %-mut allanngortinneqarpoq.

Oqaasertaliussat AI 2020-mit iluarsineqarlutik ingerlateqqitaapput.”

Nr. 157.

Kontumut pingaarnermut, 27.90.07 Nukissiornermut kisitsisitigut paasissutissat aamma mingutsitsisunik aniatitsinermet naatsorsuutit

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat taakkununngalu nassuiaatit peerniarneqarput.

Nr. 158.

Kontumut pingaarnermut, 27.91.02 Oqartussatut suliarinnittarnerit isertitatigut matussusikkat

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat taakkununngalu nassuiaatit peerniarneqarput.

Nr. 159.

Kontumut pingaarnermut, 27.91.03 Ikummatissanut tunngatillugu ilisimatusaatissat ineriartortitassatullu suliniutit

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat taakkununngalu nassuiaatit peerniarneqarput.

Nr. 160.

Kontumut pingaarnermut, 27.91.04 Ikummatissat nittarsaassinissarlu pillugit suliniutit

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat nr. 1 aamma 2 taakkununngalu nassuiaatit peerniarneqarput.

Nr. 161.

Kontumut pingaarnermut, 27.91.05 Suliat isertitatigut matussusikkat - Ikummatissanut tunngasut

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat taakkununngalu nassuiaatit peerniarneqarput.

Ilanngussaq 2, oqaasertaliussat kiisalu oqaasertaliussanut nassuiaatit

Nr. 162.

Kontumut pingaarnermut, 27.91.08 Kalaallit Nunaanni imaani avatangiisinut upalungaarsimanerunissaq pillugu pisortani susassaqtartut assigiinngitsut suleqatigiinnerat

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat nr. 1 aamma 2 taakkunungalugu nassuiaatit peerniarneqarput.

Isumaginninnermut, Ilaqutariinnut Inatsisinillu Atuutsitsinnermut Naalakkersuisoq – Suliassaqarfik 30

Nr. 163.

Kontu pingaarneq, 30.10.35 Ernereermermi aningaasaateqarfimmut

Oqaasertaliussassat uku ilanngunniarneqarput:

"Naartunermut, erninnermut meeravissiataarnermullu atatillugu sulinngiffeqartarneq pillugit Inatsisartut inatsisaanni nr. xx, xx. xxx 2020-meersumi § 27, imm. 4 naapertorlugu ukiumut aningaasanut inatsiseqarfiusumut akigititaq annerpaaq 125,00 kr.-nut aalajangersarneqarpoq."

Kontu pingaarneq, 30.10.35 Ernereermermi aningaasaateqarfimmut, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Naartunermut, erninnermut meeravissiataarnermullu atatillugu sulinngiffeqartarneq pillugit Inatsisartut inatsisaanni nr. xx, xx. xxx 2020-meersumi § 27, imm. 4 naapertorlugu ukiumut aningaasanut inatsiseqarfiusumut akigititanut annerpaaffissaq aalajangersarneqarpoq.

Akigititanut annerpaaffissaq aqqutigalugu sulisitsisup akissarsianut aningaasartuutit utertinnissaannut annerpaamik piumasinnaasaasa annertussusissaa aalajangersarneqarpoq. Utertitsinissamut aningaasat nalunaaquttap akunneranoortut akigititat annerpaaffianniit qaffasinnerusinnaanngillat.

Oqaasertaliussat nutaajupput."

Nr. 164.

Konto pingaarneq 30.12.08-mut Utoqqalinermi pensionisiat

Oqaasertaliussassat uku ilanngunniarneqarput:

”Nr. 3.

Utoqqalinerisiaqarneq pillugu Inatsisartut inatsisaata nr. 20, 23. november 2015-ip aalajangersagai allassimagaluartut kommunalbestyrelse qinnuteqarnerup kingorna innuttaasut minnerpaamik ukiut 35-t sulerulussimasunut, aamma qinnuteqartoq 65-inik ukioqarpat utoqqalinermut pensionisianik tunniussisinnaavoq.”

Ilanngussaq 2, oqaasertaliussat kiisalu oqaasertaliussanut nassuiaatit

Konto pingaarneq 30.12.08-mut, Utoqqalinermi pensionisiat, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 3.

Kommunalbestyrelsit utoqqalinermi pensionisiant tunngatillugu inatsisitigut piginnaatinneqarlutik, minnerpaamik ukiut 35-t sululussimasunut utoqqalinermit pensionisiant tunniussisinnaapput. Inatsimmi allaqqavoq, tamanna innuttaasut 65-inik ukiulinnuinaq atuuttuusoq, inatsit atuuttumi 1. januar 2021-mi ukiut 66-inut sivitsorneqassamat aamma 1. januar 2025-mi ukiut 67-inut sivitsorneqassamat.

Qinnuteqartut inatsimmi aalajangersakkanut naapertuippata, innuttaasut 65-inik ukiullit sululussimasut 2021-mi aamma qinnuteqarnerup kingorna utoqqalinermi pensionisiaqarnissaat oqaaseqaatip isumannaassavaa. Taamaasilluni immikkut eqimattanut taakkununga utoqqalinissamut ukiussarititaat sivitsorneqassanngilaq.

Utoqqalinersiaqarneq pillugu Inatsisartut inatsisaata allanngornissaanut akuersisoqarneratigut oqaaseqaatip atuutlernissaa naatsorsuutigineqarpoq, tamanna 2021 ingerlanerani saqqummersinneqarnissaa naatsorsuutigineqarluni.

2021-llu ingerlanerani innuttaasunut aamma kommunini sullissisunut paasissutissiisoqassavoq siunertaralugu siusinaartumik utoqqalinersiaqarnissami periarfissamut ilisimasaqarneq annertusarniarlugu, aamma eqimattanut sullissisarneq sivikillisarneqarnissaa siunertaralugu kommuninik suleqatiginninneq pilersinneqassavoq.

Suliniutissaq partiit 2021-mi aningaasanut inatsimmut isumaqatigiissutaannit tunngaveqarpoq.

Oqaasertaliussat nutaajupput."

Peqqissutsimut Naalakkersuisoq – Suliassaqarfik 34

Nr. 165.

Kontumut pingaarnermut, 34.01.05 Coronavirus (COVID-19) tunngavigalugu immikkut ittunik iliusissat.

Oqartussaaffiup allanngortinneqarnerata kingunerisaanik konto pingaarneq atorunnaarsinneqarmat kontumut pingaarnermut matumunnga oqaasertaliussat nr. 1-3 taakkunungalu nassuiaatit peerniarneqarput.

Ilinniartitaanermut, Kultureqarnermut Ilageeqarnermullu Naalakkersuisoq – Suliassaqarfik 40

Nr. 166.

Kontumut pingaarnermut, 40.90.13 Nuna Tamakkerlugu Ilitsersuisarfik

Oqaasertaliussassat uku ilanngunniarneqarput:

"Naalakkersuisut kontumi pingaarnermi matumani atuinerussutinik atuinikinnerussutinilluunniit annerpaamik 1.000.000 kr.-nik ukiumut aningaasanut inatsiseqarfiusumut tullermut nuussinissamut piginnaatinneqarput."

Kontumut pingaarnermut, 40.90.13 Nuna Tamakkerlugu Ilitsersuisarfik, nassuiaatit

Oqaasertaliussanut nassuiaatit tullinnguuttut ilanngunniarneqarput:

"Oqaasertaliussatigut Naalakkersuisut nuussinissamik piginnaatinneqarput peqataanillu aningaasat qanoq annertutigisut nuunneqaqqusaanersut annertussusilerneqarlutik. Oqaasertaliussani Nuna Tamakkerlugu Ilitsersuisarfik ilinniartitaanermut suliassaqarfimmi pisortat ingerlatsiviattut isigineqarpoq.

Oqaasertaliussat nutaajupput."

Inuussutissarsiuteqarnermut Aatsitassanullu Naalakkersuisoq - 62-64

Nr. 167.

Kontumut pingaarnermut, 64.01.05 Nunaqarfinni isorliunerusunilu inuussutissarsiutinik ineriartortitsineq

Kontumut pingaarnermut matumunnga oqaasertaliussat nr. 1 pearniarneqarput tullinnguuttunillu taarserlugit:

"Naalakkersuisut kommunit aningaasartuutaannik, kontumi pingaarnermi matumani siunertamut atorpeqarsimasunik utertitsinissamut piginnaatinneqarput. Utertitsinerit aningaasaliissutit tamarmiusut sinnissangilaat."

Kontumut pingaarnermut, 64.01.05 Nunaqarfinni isorliunerusunilu inuussutissarsiutinik ineriartortitsineq, nassuiaatit

Kontumut pingaarnermut matumunnga oqaasertaliussanut nr. 1-imut nassuiaatit pearniarneqarput tullinnguuttunillu taarserlugit:

"Kommunit aningaasartuutaannik utertitsinissamut kommunit aningaasartuutigisimasaannut uppernarsaateqarnissaa piumasaqaataavoq.

Oqaasertaliussat nutaajupput."

Ilanngussaq 2, oqaasertaliussat kiisalu oqaasertaliussanut nassuiaatit

Nr. 168.

Kontu pingaarneq, 64.10.32 Inuussutissarsiornermik siuarsaanissamut suliniutimut

Oqaasertaliussassat uku ilanngunniarneqarput:

”Nr. 3.

Annikitsumik taarsigassarsiniarsinnaanermut aaqqissuussineq pillugu Naalakkersuisut aamma Innovation Greenlandip akornanni isumaqatigiissusiortoqarsimavoq. Annikitsumik taarsigassarsiniarsinnaanermut aaqqissuussineq Innovation Greenlandimit aqunneqarpoq, ernianullu aamma akiliutinut akiliutigineqartut Innovation Greenlandimut tunniunneqassapput. Akilersuutit utertinneqartut annikitsumik taarsigassarsiniarsinnaanermut aaqqissuussinermut ilaasutut taarsigassarsiareqqinneqarsinnaapput.”

Kontu pingaarneq, 64.10.32 Inuussutissarsiornermik siuarsaanissamut suliniutimut, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 3.

Annikitsumik taarsigassarsiniarsinnaanermut aaqqissuussineq Naalakkersuisut aamma Innovation Greenlandip akornanni isumaqatigiissusiortifigineqareersoq Innovation Greenlandimit aqunneqarpoq. Akilersuutini utertinneqartussani aningaasat amerlanngitsut pineqarmata akilersuutit utertinneqartut taarsigassarsiareqqinneqarsinnaanissaat allaffissornikkut isumannaannerpaajuvoq. Akilersuutillu utertinneqartut annikitsumik taarsigassarsiniarsinnaanermut aaqqissuussinermut aningaasanut killiliussani aamma ilanngaatineqassanngillat. Ernianut akiliutinullu akiliinerit annikitsumik taarsigassarsiniarsinnaanermut aaqqissuussinerup aqunneqarneranut akissarsianut ilaasumik Innovation Greenlandimut tunniunneqassapput.

Oqaasertaliussat nutaajupput.”

Inuussutissarsiuteqarnermut Aatsitassanullu Naalakkersuisoq - Suliassa qarfik 66-67

Nr. 169.

Kontumut pingaarnermut, 66.01.06 Ikummatissanut tunngatillugu ilisimatusaatissatut ineriartortitassatullu suliniutit

Oqaasertaliussat tullinnguuttut oqartussaaffiup allanngortinneqarnerata kingunerisaanik ilanngunniarneqarput:

”Naalakkersuisut ikummatissanut tunngatillugu ujaasinissamut piiaanissamullu isumaqatigiissusiortoqarnerata ilaattut suliassamut aningaasanik, akuersissutillit ujaasinissaq pillugu pilersaarumminnut atatillugu, soorlu siunertanut ilisimatusarnermut ineriartortitsinermullu

Ilanngussaq 2, oqaasertaliussat kiisalu oqaasertaliussanut nassuiaatit

tunngasunut atatillugu akiliutigineqartussaataasunik tigusaqarnissamut piginnaatinneqarput. Naalakkersuisut kontukkut pingaarnikkut matumuuna isertitat aningaasartuutillu akornanni nikingassutit, kiisalu ukiup aningaasanut inatsiseqarfiusup siulianit aningaasat atunngitsuukkat ukiumut aningaasanut inatsiseqarfiusumut kingusinnerusumut atugassanngorlugit immikkoortissinnaavaat.

Inatsisartuni Aningaasaqarnermut Akileraartarnermullu Ataatsimiititaliaq aamma
Kukkunersiuiarnermut Ataatsimiititaliaq piginnaatitsissutip atornerqarnera pillugu
ilisimatinneqassapput."

Kontumut pingaarnermut, 66.01.06 Ikummatissanut tunngatillugu ilisimatusaatissatut ineriartortitassatullu suliniutit, nassuiaatit

Oqaasertaliussanut nassuiaatit tullinnguuttut oqartussaaffiup allanngortinneqarnerata kingunerisaanik ilanngunniarneqarput:

Ingerlatseqatigiiffiit ikummatissanut tunngasuni ujaasinissamut iluaqutiginninnissamullu akuersissummik pigisaqartut suliniutinut aningaasaliissutinik akuersissutisinermi piumasagaataasumut pisussaaffigilikkaminnut siumut aningaasaliisinaanissaasa qulakkeerneqarnissaa oqaasertaliussani siunertarineqarpoq. Oqaasertaliussatigut aningaasat atornerqarsimangitsut ukiunut aningaasanut inatsiseqarfiusunut kingusinnerusunut nuunneqarnissaannut Naalakkersuisut piginnaatinneqarput.

Oqaasertaliussat AI 2020-mit ingerlateqqitaapput."

Nr. 170.

Kontumut pingaarnermut, 67.01.10 Kalaallit Nunaata imartaani avatangiisinut upalungaarsimanerunissaq pillugu pisortani susassaqartut assigiinngitsut suleqatigiinnerat

Oqaasertaliussat tullinnguuttut oqartussaaffiup allanngortinneqarnerata kingunerisaanik ilanngunniarneqarput:

"Nr. 1.

Naalakkersuisut Kalaallit Nunaata imartaani avatangiisinut upalungaarsimanerunissaq pillugu pisortani susassaqartut assigiinngitsut suleqatigiinnerat pillugu isumaqatigiissutip atuutileraneranut atatillugu Forsvarskommandomik isumaqatigiissuteqarnissaannut kiisalu Forsvarskommandomit aningaasanik nuussanit akiliutigineqartunik tigusinissaannut piginnaatinneqarput.

Nr. 2.

Naalakkersuisut Kalaallit Nunaata imartaani avatangiisinut upalungaarsimanerunissaq pillugu pisortat akornanni Forsvarskommandomik suleqateqarnissaq pillugu isumaqatigiissutip atuutileraneranut atatillugu Greenland Oil Spill Response A/S-imik isumaqatigiissuteqarnissaannut

Ilanngussaq 2, oqaasertaliussat kiisalu oqaasertaliussanut nassuiaatit

kiisalu kontumit pingaarnermi aningaasanik Greenland Oil Spill Response A/S-imut nuussinissaannut piginnaatinneqarput."

Kontumit pingaarnermut, 67.01.10 Kalaallit Nunaata imartaani avatangiisinut upalungaarsimanerunissaq pillugu pisortani susasaqartut assigiinngitsut suleqatigiinnerat, nassuiaatit

Oqaasertaliussat tullinnguuttut oqartussaaffiup allanngortinneqarnerata kingunerisaanik ilanngunniarneqarput:

"Nr. 1.

Naalakkersuisut Kalaallit Nunaata imartaani avatangiisinut upalungaarsimanerunissaq pillugu pisortat akornanni Forsvarskommandomik suleqateqarnissaq pillugu isumaqatigiissut naapertorlugu aningaasanik pissarsinissaasa qulakkeerneqarnissaat oqaasertaliussani siunertarineqarpoq.

Oqaasertaliussat AI 2020-mit ingerlateqqitaapput.

Nr. 2.

Naalakkersuisut Kalaallit Nunaata imartaani avatangiisinut upalungaarsimanerunissaq pillugu pisortat akornanni Forsvarskommandomik suleqateqarnissaq pillugu isumaqatigiissutip atuutileraneranut atatillugu kontumit pingaarnermi aningaasanik Greenland Oil Spill Response A/S-imut nuussinissaannissaasa qulakkeerneqarnissaat oqaasertaliussani siunertarineqarpoq.

Oqaasertaliussat AI 2020-mit ingerlateqqitaapput."

Ineqarnermut Attaveqatigiinnermullu Naalakkersuisoq - Suliassaqarfik 70 - 72

Nr. 171.

Kontu pingaarnermut, 72.20.05 Ilaasunik angallassinermut tapiissutimut

Kontu pingaarnermut, 72.20.05 Ilaasunik angallassinermut tapiissutit, oqaasertaliussat nr. 1 peerniarneqarput ukuninngalu taarserlugit:

"Nr. 1.

2021-miit ukiut qulit angullugit sivissusilimmik, kontumilu pingaarnermi matumani siunertarineqartunut ilaasumik suliassat suliarisarnissaannut Air Greenland A/S-imik, Disko Line A/S-imik, Norlandairimik aamma Arctic Umiaq Line A/S-imik isumaqatigiissusiornissamut Naalakkersuisut piginnaatinneqarput. Tamatuma kingorna isumaqatigiissutit 2021-mi ukiumut ataasiarluni ukiunut marlunnut ataatsimut isumaqatigiissusiorfigalugit sivitsuiiffiqarsinnaassapput.

Ilanngussaq 2, oqaasertaliussat kiisalu oqaasertaliussanut nassuiaatit

Kiffartuussinissamik isumaqatigiissutinut tapiissutit pingaarnertut tunngavissat sisamaasut malillugit tunniunneqassapput, tassanilu ornitassanut:

- angallannikkut periarfissaqartussaannikkaluanut,
- akit pissutigalugit angalaffigineqasinngitsorpasuarnut,
- akuttunerusumik tikinneqartartussaagaluanut,
- angallavissatigut aaqqissuussinermi ataqatigiinnikkut ajorfiusunut, tunniunneqassapput.”

Kontu pingarneq, 72.20.05 Ilaasunik angallassinermut tapiissutimut, nassuiaatit

Oqaasertaliussanut nr. 1-imut nassuiaatit peerniarneqarput tullinnguuttunillu taarserniarneqarlutik:

”Nr. 1.

Air Greenland A/S-imik, Disko Line A/S-imik, Norlandairimik kiisalu Arctic Umiaq Line A/S-imik isumaqatigiinniareennikkut Naalakkersuisut isumaqatigiissutinut ukiunut arlalinnut atuuttussanut inatsisitigut tunngavissaqarnissaat qulakkeerneqarpoq, taakkualu konto pingarneq aqutigalugu qulimiguullit timmisartullu atorlugit kiisalu umiarsuartigut ilaasunik angallassinissanut tunniussat atorlugit tamanut angallassisarnissat ingerlannissaannut tapiiffigineqartussaataapput.

Angallannermi politikikkut siumut isiginnilluni isumaqatigiissusiortoqassaaq, taamaaliornikkullu atortut nutaanerusut pisariinnerusumillu angallannernut tunniunneqartut aaqqissuunneri aqutigalugu kiisalu nunatsinni silaannakkut angallannerup ilutsimigut ineriartorfiujuarneranut atasumik pitsannguutit anguneqarsinnaassallutik.

2021-miit 2030 ilanngullugu aallaavigalugit angallassinissamut isumaqatigiissutit ataasiakkaat atsiorneqassapput, isumaqatigiissutit piffissamut sivikinnerusumut atuuttussat ataasiakkaat eqqaassannikkaanni. Isumaqatigiissutinut tamanut tunngatillugu silaannakkut angallannermi aaqqissuussaannikkut aamma suluusalinnut mittarfinngortussani allanngortoqarsinnaanera isiginiarneqarput, soorluttaarlu angallariaatsini angalanerillu amerlassusaanni allanngortoqartillugu isumaqatiginninniaqqinnissanut atugassarititat ilanngunneqarsimasut.

Ataatsimut qiviassagaanni isumaqatigiissutit sivitsuiffiginerisigut ornitassat kiffartuussinissamik isumaqatigiissummi ilaasut isumaqatigiissutip naanerani angalanissakkut periarfissaarutinninnissaat qularnaarneqassaaq.

Oqaasertaliussat AI 2020-mit iluarsineqarlutik ingerlateqqinneqarput.”

Suliffeqarnermut, Ilisimatusarnermut Avatangiisinullu Naalakkersuisoq – Suliassaqarfik 73 - 77

Nr. 172.

Kontu pingarneq, 73.06.01 Ilisimatusarnermut

Oqaasertaliussassat uku ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Nr. 3.

Kalaallit Nunaanni 1979-2020-mi imminut toquttarnernut pissutaasut, tamatumalu pinaveersaartinnissaanut suliniutitut sunniutaasinnaasut pillugit misissueqqissaartoqarnissaanut Ph.d-tut atuarnissap pilersinnissaanut periarfissanik nalilersuinissamut Kalaallit Nunaanni Ilisimatusarnermut Siunnersuisoqatigiit attaviginissaannut Naalakkersuisut piginnaatinneqarput.”

Kontu pingaarneq, 73.06.01 Ilisimatusarnermut, nassuiaatit

Oqaasertaliussanut nassuiaatit tullinnguuttut ilanngunniarneqarput:

”Nr. 3.

Ph.d-tut atuarnissat marluk pilersinnissaannut periarfissat pillugit Naalakkersuisut Kalaallit Nunaanni Ilisimatusarnermut Siunnersuisoqatigiinnut attaveqarnissaannut piginnaatinneqassasut siunnersuutigineqarpoq. Siullertut imminut toqunnerpassuarnut 1979-2020-mi pisimasunut pissutaasut, tamatumunngalu suliniutaasinnaasut misissuiffigeqqissaarnissaat siunertaralugit.

Oqaasertaliussat nutaajupput.”